

摘藻堂四庫全書薈要

集部

欽定四庫全書
書目要卷一萬六千六百三十三

集部

懷麓堂集卷四

明 李東陽 撰

詩稿四

五言古詩

貞則堂詩

黃巖謝編修鳴治大母趙氏有貞德其媵巖閨
兒從之終身

憶昔歸夫君君家妾鄉邑所期在偕老中道百憂集男
孤二女弱妾年未三十饑寒幸相保生死在呼吸衡門
畏宵啟行露被田隰危言動盈路俯仰身岌岌揮刀斷
我髮解橐散我粒本圖絕窺覷亦用拯窮急肝腸向人
盡磊砢不自戢皦若天日晶幽聞鬼神泣平生舊箕箒
忍棄不再執圭玷尚可磨衣敝尚可緝委質自當年君
門豈輕入一婢老相從白首供爨汲艱難備萬狀不離
局與度此曹豈解事居處視所習感激自不移疇能彊

維繫民彝本同賦貴賤無等級男兒失所事俯首忍羞
澀衣冠乃傾頽於此望何及天台中峯秀偃蹇衆山立
節婦孝子家高風遠相揖詩歌柏舟篇以繼蓼莪我什

荅陸鼎儀誨言

少年被纓冠側身羣賢後狂悖寡自持多言衆所咎繁
辭劇無益欲制已出口有時雜詆諧觸冒遭詆詬雖言
不為虐於德實云疚三復白圭篇令人重顏厚愧無請
益辭負我直諒友陸君多雅懷指我以瑕垢翻然為起

敬竦立斂雙肘退之喜嘲狎籍諫終不受才高使之然
嗟我實未有書紳古人戒敢不佩左右感子期重陳終
焉愧瓊玖

題賀克恭給事家墨竹

時賀謝
病居遼

野竹生高原青青不受寒歲暮雪霜苦芳心寧獨憐但
恐朔風至孤根詎能安移來舊茅屋僻遠意自閒護以
十丈籬繚以三重垣秀色長可保逍遙任吾年永懷不
得見書札若為傳相逢畫圖裏一笑已無言

贈彭民望三首

莊子作詩苦飢腸無停迴胸中錦繡字字不輕裁君
詩驚滿座氣與滄溟開酒酣疾伸紙下筆無嫌猜莊子
壯君志君亦愛其才我居二子間形穢不自哀願從雙
飛翼聊與相徘徊

其二

我屋雖蕭條欣與子同居嘉辰與永夕觴詠得相俱而
胡好出遊十日九跨驢明月照萬里停雲在庭除入門

坐我床探我囊中書讀之莞爾笑謂我興有餘我詩世
不好見者擲道隅君情倘相契贈比雙明珠

其三

我家水西涯性本愛幽僻與君數攜手興至忘所適溪
行緣縈紆野酌散愁寂倦來倚樹坐舉目見山色山色
忽已改離別復幾載移居在城南咫尺隔江海夜來春
風至芳意思共採道逢舊鄰人茅堂復何在

再贈三首用前韻

吾愛李太白金鑿供奉回釣船坐明月宮錦賜新裁騎
鯨忽不見懷抱向誰開舉杯問青天恐被浮雲猜明月
千載恨謫仙千古才古風坐掃地此事亦堪哀我非能
詩者君意莫徘徊

其二

吾憐賈浪仙寂寂長安居藜羹與糲飯婢僕日相俱出
門寡儔侶獨跨短尾驢年年祭詩卷忽忽歲仍除濁醪
不過牆故人但空書梁肉者誰子斯人食無餘古來風

流士棄置天一隅荆山有抱玉滄海有遺珠

其三

吾憐孟東野詩思老愈僻一吟雙眉皺見者意不適偶
逢韓昌黎傾倒慰孤寂君才不須猜而我有愧色我詩
調屢改清苦近一載君詩十年前散落滿湖海永懷苦
雨夕聯句意可採三復鬪雞篇斯人今安在

與劉時雍

客從方巖來戒我作詩疾君來索我詩謂我意所適深

言中竒病二子皆我益還從適處得便向疾中釋而我亦何心悠悠自朝夕

與姜用貞二首

叢蘭絕低小隱約幽巖姿崇岡有高松下影迴薄之小
大固異質託交乃其宜君本老成人我生良已遲情親
若兄弟年數兩相遺相逢即傾蓋久已不復疑我歌貧
交行試問和者誰

其二

節過人事簡駕言適我廬一茶啜未終童僕促迴車攬
之不肯住荅我有所趨十朝不一見為我惜須臾昨夜
夢君來相見但躊躇翻思夢中言展轉一字無

春至

兒女喜春至競為桃李顏主人坐中堂對食不能餐寡
妻問何為良久方出言東鄰不衣褐西舍無炊烟農家
望春麥麥種不在田流離徧郊野骨肉不成憐嘉辰忽
不見城市轉蕭然高樓雜絃管此事十年前

讀書

新歲草木茂去陳茁其初人生天地間而與此類殊生
年日已長問學日已踈扣之無所有安用七尺軀劉公
笑歐九軾輩當何如況我所得者滄溟之一孟躬行聖
所貴記誦乃繁蕪自古識字人嗟嗟揚子雲

土室

土室暗無光重闕閉深壁客來語始辨坐久自生白語
畢各自還誰能問形迹竭來中宵夢坐我羲皇側大羹

及玄酒此味久已識古人戒屋漏所貴無愧色我心非
槁木豈不念朝夕默默方自知多言竟何益

題陶知州所藏萱花圖

歲晏風雪至叢萱不能芳餘馨不盈把繫在羅襦裳縈
迴寸草心婉變愛日光豈不念舊鄉關山各異方少壯
遠遊子此憂安可忘

九日東敷五

九日忽相過胡不駕我車幽懷屬有託苦無故人書林

壑費躋厲城市多湫淤世事屢不適吾心恒鬱紆城西
有精舍壙野臨通衢茂林對修竹足以寧形軀君行倘
未遂匹馬不相呼

畫禽二首

濯濯隴山鳥雕籠雙翠襟欲以懷春意報此主人心哀
哉寡儔和寂寂飲孤音

鸚鵡爾何煩形巧不及舌吾方怪其煩有喙莫敢說雖
雖在何樹此鳥衆所悅

十一月二十七日夜夢樓居風雨中得句云卷
簾看風樹時亡妻亦在側覺而有感續成一章
高樓坐連床遙碧俯平渚卷簾看風樹葉落沙上雨飄
飄輕襟散披歷層軒舉寤寐平生歡咫尺得晤語相逢
隔晨暮倏忽無定所積雪徧中庭鍾情徒延佇

送李士常

峒峒居庸闕北望上谷城道路阻且長送子百里行肅
肅朔風厲悠悠暮川平宵裝捩馬秣午飯村雞鳴男兒

志弧矢萍梗空縱橫懷哉父母邦況此骨肉情相贈無
長劍低頭愧友生

其二

古人重友道君子慎其微難交乃終好苟合生禍機與
君夙傾蓋意氣兩不違但覺多畏憚愧無受益資終然
出肺腑久矣不復疑我生寡知識視友如嚴師君今豈
易得棄我忽忽若遺往哲諒可作來日猶當追與君各
勉白首以為期

其三

蒙翁棄人世斯文似中絕雖無老成人典刑在羣哲吾
 宗本竒士少小負高節勢傾三軍前慷慨氣不折昂然
 借前驅逸駕誰敢掣側足風塵間長途畏中跌所居亦
 孔遠觀止復言別從之不可得回首肝肺熱

其四

聖賢日益遠載籍亦多門漢儒事訓詁字義舛且繁考
 亭得真祕辭達意已傳躑躑場屋士戰訟爭紛紜遺言

已糟粕況復揚其塵設科重經術此弊尚虛文誰能幹
元化吹醜使其醇知君學古者肯效諸生顰雖居文藝
場實究道義根斯人捨我去吾道竟誰論

其五

民彝日淪喪此事古所傷悲哉賈太傅舉世笑其狂聖
人重名教始自室與堂吾儒尚茂棄況彼聲利場遙遙
闕塞隅見此鄒魯鄉閨庭巡禮範伯仲同馨芳詩書起
庠校戎馬壯邊疆由來忠孝門永耀竹帛光聖朝富勳

業科聘須賢良願子出努力毋為久淹藏

吳原博修撰醫俗亭

吳君天下士愛竹比良友平生益者交意豈在杯酒亭
居衆鞅絕林卧清風久十年別江南吟諷常在口嗟吾
寡留玩性本厭塵垢願抬肩輿郎徑造羲皇叟此物生
已遐斯人亦希有託君多病軀藉此鍼石手茲意予所
投君當報瓊玖

大雨有感

積雨盈我庭流水入我屋移床就牆東豈為避煩溽瓶
罌互雜還出入泥汨汨我病不得眠喧呼惱僮僕弱抱
增百憂端居繭雙足所思室豈遠咫尺限谿谷高歌寡
酬和曲罷意轉促窗紙風蕭蕭虛簷度鳴竹柴門晚當
閉日入坐秉燭

曲江韶石題廣東黃瑛卷

曲江通長谿巨石平若掌浮雲盪空寥野望谿踈莽峻
嶒見孤高尋文得餘廣跡非禹鑿後代出秦封上虞皇

昔南巡旌旆息茲壤乾坤來清風絲竹振遺響鳳儀方
炳煥龍化驚惚恍江山無推遷人世同俯仰黃生好古
流少小慕通儻窮幽極遐方況乃接鄉黨謁來幽燕客
尚結江湖想文章藉流傳此志吾所賞平生懷古心踔
厲非技養高歌未終曲深夜神獨往送子天東南何時
稅歸鞅

送朱博士還考亭得業字

文公十
世孫也

紫陽足苗裔乃在閩與歙建寧見諸孫歷世方十葉名

從東曹薦譜自前朝牒温然大雅姿欲語還若怯士林
羨翱翔再拜斂冠袷先公百世師高步不可躡後生亦
何知頌美不容喋平生慕道心望海愁寸涉典刑在雲
仍既覲中所愜翻然愧相從內顧賴我賴崇儒實令典
主器非浪攝榮名恐難居世美不自挾助哉有明訓無
廢六經業

送顧天錫員外審刑山西

聖人作元命所憂在黎元惟刑弼予教刑措教乃醇彤

廷降明勅天語如春溫謀謨內朝佐簡命諸曹臣巡行
徧幽側書簿窮紛紜吾儕江東彥奉使山西藩夙興念
委託夕惕懷艱辛豈不羨甄擇負重難為身人情與世
故出入茫無端幽來生死機乃在筆削間勗哉古人訓
明察生哀憐罪疑戒惟重觀過斯知仁況奉欽恤詔正
當蠲滌辰坐令日月光可以照覆盆鋤禾去稂莠慎勿
傷其根一夫或失平上與和氣干周家衍靈運于氏興
高門爾心諒勿貳孰謂天道愔平生重名義一飯皆君

恩王事誠靡監賢人羞素餐區區友朋誼感激傾肺肝
軺車有期返離別安足論

予病中頗愛作詩舜咨以詩來戒者再未應也
偶誦陶淵明止酒詩自笑與此癖相近因追和
其韻斷自今日為始成化丁酉春正月十日

平生抱詩癖雖病不能止還同嗜酒客枕藉糟丘裏作
銘示深戒厚意勤教子蕭然百玩餘此技差獨喜如以
酒醒酒愈醉不得起今將詩止詩無乃非物理應酬與

吟詠何必分彼己雖無役志勞有玩斯喪矣狂瀾去莫
追來者方無羨擬學賈浪仙焚詩以為祀

入春絕不作詩清明後三日與鳴治師召遊大
德觀為二公所督甚苦得聯句四首已而悔之
因用止詩韻以自咎先是諸同年皆有和章為
說不一鳴治獨持兩可之說至是竟為所沮云
淵明愛酒翁晚歲方暫止始知山水興不在壺觴裏後
來不飲人效顰乃蘇子吾詩亦何解似獨有深喜一戒

踰七旬此念灰不起羣公各雄辨未究同異理三占從
兩卜頗覺吾喪已惜哉九仞功一篲今已矣陶蘇雖止
酒所止皆有溪擇例偶不精遺蹤愧前祀

時用得詩見和似怪予破戒者用韻奉荅

幽居觀物化有始終必止人生亦氣類出入樞機裏偶
落簪組間誰是巢居子筆札常繞身豈獨性所喜願為
委地葉更逐狂飈起一攘本何心百步乃其理多言祇
害道為仁竟由己紳書亦徒然臍噬嗑晚矣吾生尚多

闕萬壑此其美勿厭箴規言雞壇有明祀

初予止詩鼎儀有約同止予援張汝弼故事以
隻雞斗酒為罰鼎儀固未嘗止及予破戒乃和
韻見索再疊前韻并雞酒荅之

與君同止詩拙者最先止至今雞酒券尚在詩筒裏吟
聲日不絕負約常在子病中未遽往顧券每自喜君方
掩耳卧十撼九不起三緘偶一呖乃輒相料理多言竟
無益寧使人負己我雞固當攜我馬今秣矣明晨自公

出遲予金明溪願託鶴林翁清風播來祀

予破戒時頗念鼎儀之約鳴治師召許為代罰
既有成約再用韻邀三公同赴

人皆止我詩君意方止止詞鋒苦相督置我重圍裏
平生雞酒期吾愧金閨子

鼎儀號金

閨逸叟

君同觀棋法勝敗俱

可喜門首索雞吏堅坐訶不起其辭雖未直願亦持一
理覺機自君發安得終彼已前言亦戲之吾意今決矣
買雞南市柵沽酒西橋溪且復醉茲辰是非付千祀

曰川會諸同年用韓昌黎園林窮勝事鐘鼓樂
清時二句分韻得時字因效韓體

念我三同友夙多豪俊安南宮同甲第翰署同文詞功
業復同志希臯慕龍夔官曹有燕會亦以存箴規惟君
與張子前後傷分睽歸衢振天駟鷓鳳已滿池爾來又
十載歛見星霜馳維春暮三月和風蕩如飴高堂敞楹
屺列案堆盤匝觥籌遞交錯墨卷開淋漓坐席各有序
酒行不用辭中披見肝膽外拚無藩籬我懷久屈鬱如

以結就騰如鷹掣條旋如驥辭銜羈又若萬里水流颺
湯空漸經冬抱深癖不得窺簷楣咫尺乃如此況居天
一涯開圖見諸老云是先朝遺三揚二王輩風采猶當
時我初斂容立已乃再拜之感今復懷舊歡樂無易茲
君生在單闕我歲一紀差佳兒勝冠帶字畫解倔奇人
言頗類我我書詎宜師渠自有父風外人那得知爾曹
已少壯我豈猶童兒從此老鉛槧虛名竟何施不如且
飲酒我飲不滿卮初心抱虛警筋力當及斯前賢勿復

道恐為爾輩嗤

經筵聞講中庸有述呈諸寅長

是日王學士講
戒謹恐懼章

龍飛御八極虎殿開羣經禮樂煥明制冠裳祭充庭大
哉中庸理純粹復至精微言盡幽眇至治通神靈内存
戒懼功外有位育能宋儒闡名義孔學昭儀刑煌煌精
一傳千歲如日星默契入玄化沖居澹聰明聖心仰熙
緝吾道方施行微官竊臣從列侍隨公卿恭聞聖賢訓
內顧惕若驚天顏不盈文帝鑒無留形雖無獻納權恐

有玷辱情古來致君術感格須至誠庶幾涓埃力或使
海嶽增作詩戒同志敢謂此地榮

五月十三日山弟亡辰夜間不寐哭而有詩

今日復何日日永夜亦長夜長不得寐起坐心彷徨去
年今歲間倏忽異存亡生同為兄弟死獨歸山岡呢呢
笑語聲隱隱燈燭光開緘得遺稿理篋見故裳此物久
已塵誰遣在我傍我病人廢食萬外中攢戕老親不汝
悲悲即恐我傷汝婦不敢啼嗚嗚咽空房我亦念衰老

含悲茹肝腸誰無骨肉親而獨此禍殃三年四衰經行
路為酸傷難將百丈繩繫此白日光白日有明滅我哀
那可忘

鼎儀宅分韻送其兄武儀還崑山得倪字

君家好兄弟恩義兩不睽豈惟舉止似語笑皆天倪我
本通家友三年負招攜留飲極酣樂飽德無嫌憐涼秋
入庭樹風露忽已淒昔作鳳和鳴今為雁分棲悠悠滄
江上道路阻莫躋到門見桑梓登堂頌黃鯢人生重骨

肉至樂諒不齊送君東城去蔓草青萋萋

擬古出塞七首

平明集帥府有令事西征官軍二萬衆列騎分團營我
身雖短小名次當先行征南競投籍征北多埋名男兒
在節義臨難敢偷生本圖報恩私功名何重輕

又

總戎戒行旅器仗貴堅完典衣買刀劍胡地多苦寒公
家例頒與私債復相干兒出貧尚可親老無盤餐燈前

背面啼強語達夜闌雞鳴鼓角動上馬各據鞍

又

潛行始出境面別情實難逢人語妻孥堂上有舅姑軍
行視旂旄聞向黃河曲相顧問姓名同伴為骨肉星分
良鄉爨月傍井陘宿民貧苦供給縣官告不足掾吏飽
肥羊馬飢奴無粟營門號令肅雞狗不敢搗起居有常
節幸得免笞辱

又

河曲二千里外險中廣夷胡兒十萬騎倏忽路無岐邊
軍戒輕入壯士氣不持帷幄計深密功成在何時糧儲
日不繼淹留懼愆期邊疆古有患上將重興師吾知荷
戈役生死長相隨

又

邏騎朝出塞胡來屢衝突我軍摧其鋒殺氣滿川窟將
驕聞裹瘡戰勝多白骨兵家貴萬全豈足較毫髮千金
買首功百金紀勳伐京軍得先陞邊卒長獨沒卑情思

上達疎賤不得謁日暮獨無言
宮堯見宮闕

又

休營息軍士鳴角卧清曉
傳聞遣麾下獻捷靈臺表
朝廷屢西顧此事繫不小
賞賚慰勤勞獎諭激忠孝
再拜受璽書酬恩古來少
開邊固非計境土當自保
駐馬立轅門佇聽班師詔

又

頻年討北寇往歲征南蠻
七年六出師師出無空還
將

軍盡封侯鐵券誓河山白衣領陰藂立在執戟班先朝
麒麟畫位次迴莫攀功疑古惟重此義故不刪君思實
浩蕩感泣徒潸潸諸公固當爾而我獨何顏

蘭舟詩送丘蘇州南歸

幽蘭出山澤移植秋風時清芬寡流媚借問愛者誰使
君來南國舟楫長相隨狂飈逐驚波霜雪憔悴之羣芳
競岐路顏色爭紛迷蕭榛動盈把此物棄如遺愛惜復
愛惜洗根濯其泥攬舟泝長江歸去兩不疑載歌蘭舟

金史四庫全書
卷四
篇獨與和者期

偶成

狄青在廣南寇盜盡削平首功數十萬獨遺智高名豈
無金龍衣肖似難可明功疑古惟重之子乃獨輕由來
古名將事主貴忠誠近聞章州牒強半皆良氓孟軻有
明訓善戰服上刑此輩竟何事吁嗟安足評

梓庭為徐生作

南國足喬木北山多俯枝高堂偉華觀之子美風儀弱

歲抱竒植磊落非衆姿山川毓靈秀霧雨含春滋龍盤
勢屈鬱鳳宿羽逶迤中有錦繡文外有正直規孤根信
寡匹大匠乃良師物生固有地材用亦有時願子自愛
惜少壯以為期

懷麓堂集卷四

欽定四庫全書薈要卷一萬六千六百三十四集部

懷麓堂集卷五

明 李東陽 撰

詩稿五

五言古詩

和沈地官時暘遊城西朝天宮韻

歲晏冰雪至閉門戒深冬窮陰結屬鼻寒氣開鴻濛豈
徒罷遊謁客至出亦慵牀頭抱膝卧布被圍熏籠沈侯

心神霽顏色如春融十日不一見何以寫我惊謁來城
西遊杖舄誰與同仙蹤躡樓觀帝樂聞笙鏞巍巍三珠
林中有萬歲峯俯聽塵世喧衆竅號秋蛩仰睇逐餘景
流歌遡長風邈哉虛無教古昔聖所攻君懷度支計惜
此繪畫功疇哉百川障頓使狂瀾東皇明統六合聲教
通蠻戎兩京鬱相望城闕何葱葱龍盤萬嶺合虎踞千
山重我昔往觀之湯池帶金墉君時在南署邀我回青
驄周旂絢日月漢掌開芙蓉層臺與列署照耀當虛空

逢僧問兜率訪道疑方蓬壯懷益磊砢陋目開昏蒙至
今腸腎間尚覺百彙充適遭明良運感激惟寸衷堯門
闢賢俊舜法除奸凶孰云閭閻幽上與廊廟通君王垂
衣坐百職分卑崇我冠謬通籍立在明光宮願為千尺
蘿附君百丈松君今已彊仕我亦非兒童及時不努力
倏忽成老翁閒官遠書簿夙夜不在公校讐費年月官
長多涵容美醞亦可戀大庖幸相供文章本非職篆刻
徒為工班超晚投筆猶得班羆熊吾憐功名遂非慕萬

戶封不然赴林壑此興頗亦濃買田種桑稻躬耕課奴
僮緬思太行愿斂退真吾宗知君負經濟我力非寅恭
論功愧不逮內省面發紅誤將鉛刀鈍欲比鎔錙鋒狂
言試傾倒拍塞已滿胃君方賈餘勇逸氣凌崆峒紛然
萬丘埽盡在塵埃中勳名唾雙手祿食輕千鍾平生四
方志慷慨隨桑弓遊觀匪獨樂樂事豈易逢歌以報君
意我懷安可窮

與李中舍應禎同飲時賜邸歸疊前韻

我昔與君別京華三見冬遠遊隔江海離思沉空濛相
逢問衷曲欲說已復慵吾生苦多難憂患為樊籠柔腸
結成寸意氣慘不融哀琴與斷瑟曲罷傷遺悵嗟子亦
何為所遭良獨同微霜降平地響應豐山鏞一語再三
歎對坐感兩峯君為空中鶴我作牆下蛩孤鳴比咽調
各自悲秋風愁城正突兀險絕難為攻幸當樽俎間賴
此麪藥功李侯君鄉彥來自東鄰東劇飲慕太白清談
勝王戎當筵列盛饌豈論麥與葱山穀百種雜海錯千

盤重閉門謝俗客不遣窺垣墉解我腰間魚繫我握上
驄芳詞吐珠玉醉臉開芙蓉仰視天宇高坐覺浮雲空
興狂欲起舞兩袖如旋蓬向非地主賢感激安所蒙酒
酣出詩句卷帙粲已充得非黃山谷或者蘇文忠初如
決洪水勢感崇伯凶又如驟天馬霧鬣天池通如登巨
鼇背足躡三山崇珠光照海月下徹馮夷宮我乃路傍
蒿不如山上松亦不如李桃餘姿媚兒童向來忘得失
我已效海翁狂言久閉口一發偶為公起辭屢被肘顧

我少從容自言有枰碁可以為子供勝欣敗亦喜有技
豈必工君看敵國手峙立如貔熊誰云一丸泥可作萬
雉封李侯掀髯笑謂我此味濃推手覆君局餘歡付蒼
僮古來風流事多出文章宗如何嵇阮流棄禮蔑敬恭
桓桓卞將軍怒頰為之紅至今想風采齒舌生寒鋒寧
將激灑杯滌此磊砢曾國賦出吳會王師在崆峒頻年
值水旱力盡經營中微官竟何事簪佩隨朝鐘平生幾
丁字愧彼兩石弓笑談一開口塵世真難逢從茲戒耽

樂樂事慎勿窮

齊山書舍詩

進士王允達讀書處也允達待制忠文公之曾孫義烏人

浙東文獻裔吾見忠文孫讀書金華郡結屋齊山村舉
頭瞰青嵒儼若先公存文章與節義實並茲嵒尊齊山
乃支派拱立如諸昆景行在瞻仰極力窮攀援藏修三
十載獻策承明門上書乞鄉校奉祀修蘋蘩銓曹不為
覆告諭復且溫幽懷耿中夜夢與山靈言松楸我廬墓
桑梓我田園烟雲護我扉風月主我軒吾方效王事再

拜酬深恩終焉丘壑心不愧鶴與猿山靈颯然去夢覺
日已曠竭來登我堂感我思欲騫卓哉先賢後典刑我
所敦斯文孰砥柱浩蕩狂流奔老成不可作此意更誰

論

和蕭封君鳳儀遺詩四十韻

鳳儀吳人早卒有
生辰感興詩其子

工部主事

奎藏於家

世運迭推代昔聞桑海三萬物若久存金石或未堪君
看垂髫子老鬢雙鬢髮終焉山丘墓豈論黠與憨東吳

有蕭子結髮稱竒男昂霄出塵壻氣與虹蜺參少年不
自耀外斂中包含置身向經史出入同秋蟬分陰每自
惜癖性久愈耽詞鋒極淬礪理窟窮搜探文如南山豹
空谷凝雙眈光如蒼精龍盤屈在一函又如鯨鯢輩海
底深波涵生當聖明時未獲雨露覃秋姿折蒲柳晚色
凋樟楠流光不少待曦馭無歸驂生乏軒冕榮死寧丘
壑慚寂寥虞山下數尺封如龕有井勿多汲井竭因泉
甘有玉勿頻磨玉折難成簪竒才固不壽聞者心為悞

當年懸弧宴綠筍羅黃柑華裾亂雲日舞衰迴烟嵐溪
魚出越筍隣酒傾吳壘餘商發古調哀響流江潭永懷
奉母日夜綵隨輿藍劬勞念罔極往事空遺談色養苦
不逮敢於微祿貪軻機忍復斷路米誰為擔歌成轉悽
惻肝腑攢戈鐔是時夜正黑狐星暗天南落月噉嵒狖
悲風嘯林虺蒼黃三十載蔓草荒寒菴官曹繼清白舊
業惟餅甌屈建祭無芟嗜好豈不諳坡翁寶畫板身自
盟瞿曇君有孝子誠而無流俗酣貽謀在文字況乃青

於藍遺編襲蜀錦異楮開倭蠶壽公身後名可以齊鏗
聃

陳王汝所藏朱澤民畫

睢陽書家流作畫如作草松根石峻嶒健筆凌絕島垂
蘿飄人衣盤石坐不掃鳴琴聲差差石籟風稍稍君看
蕭散姿稱彼林下老遺縑百年內嵐氣濕不槁陳郎湖
海情得此恨不早我生不學畫入眼分醜好嘗觀者舊
傳歎息風流少此意君獨知丹青安足道

寄題謝寶慶逸老堂得乞字

寓形大塊間俯仰孰非物復為物所累軫軋何終訖君
昔守湖南馳驅奉綸綍晨興必簿訟夜坐猶佩鞮民憂
與國計我抱恒鬱鬱居愁嵐霧蒸路駭江飈颭秋霜復
春露歲月胡太倏遙憐使華返歸念朝衣拂孤桐載還
輕五柳栽始莞天台峻宜登滄海清可被鍾阜休移文
鑑湖安用乞逸驥方脫銜冥鴻不受尉天時迭推代物
理有伸屈達人諒宜然吾道豈云第行藏二十載夢覺

徒髣髴萬事付三緘高談不如吃心閒力愈健百疾謝
攻熨曠懷浩無涯勁氣老猶仡思君遠莫覲佇彼高風
屹起望赤城霞文光正輝蔚

和謝于喬修撰雲山圖聯句韻兼懷沈仲律

俯仰天地間吾人有高興圖畫亦偶遭詩壇乃前定屏
當廣座設壁與長纁局幽懷惋百結醉眼豁雙慵沃埜
平若掌橫波急如絢頽雲澹將沉瀚海寒欲凌中峯儼
尊長衆壑分婢媵羣坳訝空繆百折愁絕澄包羅引地

絡混沌洩天孕烟橫似張幃露濕同覆甌崑葩綻將然
谷鳥呼若醒憑虛敞軒闥眺遠失梯凳塵消埜馬沒地
濕晴蛻蒸江光晃無垠石籟差可聽得非茱萸泝或者
柴桑徑洗耳幽澗泉清心遠林磬閒貪野芳採飽厭山
穀飮流光難把玩富貴安足凭樂事希狂曾明時豈愚
甯求之不可得何以攀逸乘流水宿有期幽蘭香誰贈
吾生尚驅逐茲意方踳躑憶當風日佳樂此賓主勝幽
期予獨負往券真足證重披意俱新未接神已疑雄誇

鳳樓手規制皆畧稱苦憶家冠翁風流遠猶賸玩賞在
樽罍淹留謝鞞銜多才復愛客吾語非子佞努力青雲
期交盟豈虛訂

竹岡別業

崇岡何逶迤叢竹蔚交翠下有幽人居蕭然絕蕪穢繁
陰坐層暎落葉時一墜緬懷塵外遊及此林下醉從來
泉石性不受軒冕貴呼酒酬此君與子終晚歲媚哉東
園華寂寞有餘愧平生貞晦情茲物乃其類欲作招隱

歌羞為宦途說因君憶林壑未免形骸累炎天增鬱蒸
中夜不得寐遠睇天東南涼秋起遐吹

題瀛州圖送陸翁東歸

閉門六月雨堆案多詩書陸君索我詩僮僕走且呼麾
之不肯去堅卧庭前除一朝再三至我已愧此奴空堂
展圖畫倦眼開糝糊層樓挾翥鳳倒影凌飛鳧翠羽色
婀娜金支光有無依微動天籟彷彿聞笙竽不知何方
境乍可留須臾昔逢滄洲子云是登瀛圖如聞六合外

復有真蓬壺吾方困炎溽頗欲超寰區自嗟塵凡骨或
與神仙殊君家老仙客被服雲霞裾仰視園中人飄颻
豈其徒當攜方平子共解雙明珠垂竿拂海月舉手招
天吳吾能操几杖欲往不得俱惟將作詩意目送歸江
湖

師召席上餞邵文敬戶部使淮安得作字

位雲鬱重陰霖雨久逾大平田偃頽波萬彙同一挫累
累黍穗落百畝不盈筍淮陽舊宜麥未足供甌磨稊稗

價亦增誰能問粳糯官租苦未給生理安可作城市多
游民山林有遺餓流離及溝壑去住總無奈地連兩畿
邇業恐千家破近聞恩詔下已放今年課漢臣發諸廩
唐法通百貨王事須賢勞地曹有良佐名辭鴻臚籍檄
自尚書座行哉車馬艱詎免泥塗浼東南民力竭要使
皇仁播官雖問升斗職豈在揚簸平生翰墨場珠玉生
咳唾簿書劇裁決餘暇得酬和羣情恣幽眇品類入搜
邏德澤乃膏腴文章比糠莖舉世輕迂談茲言我當坐

偶託平生交因君識吾過君當策勳伐極力起貪懦聊
因贈行什預卜還朝賀

題李源西城草堂

魏公中山裔家有綱紀臣李姓源其名廣穎而長身歷
事及胄子登堂拜夫人魏公肅家政鉅細必見詢公少
嗣封爵朝謁隨楓宸禮官引班次甲乙頗失倫布衣入
東省直造尚書門鬚髯奮如戟畫地請具陳中山國佐
命配享高帝神功勳與歲月繁若羅星辰雖言尺寸階

要使白黑分尚書不能荅胥隸不敢嗔遂令魏國籍迴
絕諸公塵向非三寸功曷使大義伸茲事尤卓絕流芳
播前聞今年過七十景迫桑榆鄰公恩賜休假始得辭
昏晨買田種桑稌卜築西城闈功成斂身跡此意亦近
真餐素夙所恥爽然思爾羣題詩草堂壁俯仰意無垠

題聽琴圖寄天錫

幽齋落日晚援琴寫我煩絃疎不成調但有古意存一
絃三歎息自謂和者難自從別君來山高水潺湲衆好

卷五
諧莫送置之不復彈曲看畫中人頗與吾意闕題詩寄
遠道慰此平生歡

題王維詩意圖

平田渺成湖仲夏月多雨汀鷺濕不飛林鶯澁還語村
烟多乞鄰饁餉常及午柴門無鎖鑰出入隨杖屨白鷗
似相識亦足忘爾汝王丞詩家流畫格亦天與君看百
代遺摹搨尚如許吾生慕丘壑偶此繫冠組試問松下
翁幾人同出處

送錢先生致仕得臆字

成化己亥冬公來自南國維時龍興節奉表宸旒側入
朝未決辰具疏寫衷臆臣年七十二鬚髮不復黑乞身
謝去組歸老東南域願為南極星中夜常拱北時當太
平世聖壽千萬億臣雖在畎畝永荷陛下德聖皇眷耆
舊曰汝予輔翊古稱老成人豈獨賴膂力吾當獎休退
卿意誠悃幅加官號冢宰名位班九棘貶封及三世茲
典尤絕特公章再入省請解尚書職臣方避華要而敢

蒙顯陟王言重丁寧公意增感刻願書歸榮字堂扁揭
華織昭代垂憲章鄉人有矜式公卿睹盛事道路眼為
拭江山佳麗地從此生顏色公夙梁棟姿先朝手親植
文章夷夏滿姓字兒童識帝惜漢馮唐天留宋蘇軾出
入四十年終焉布衣極雲鵬忽稅駕斂彼高飛翼仕路
豈不多屈指難再得菲材出門下久此玷糠粃再拜送
公歸臨風遠相憶

夜飲王世賞餞別乃兄娶源丞中宣得小字

高堂粲華燈移席散清醪天寒羣鵲飛月出衆星眇我
馬東南來風髮疾於鳥羣公各登壇白戰已先能吹竽
終濫齊會食慙後趙王君簪纓家世遠風流紹文章醉
鄉後意氣雲臺表仲氏方嚮庸丞哉未為小賢勞念驅
馳及此公事了南都山水麗晚歲冰霜少詩腸正百結
况復離心繞留連感中夜明發待清曉江天渺思君但
見孤鴻矯

除日追和坡詩三首

餽歲

官曹接居鄰欣戚每相佐古人重交際末路頗近賀箱
盈綵繒積黍出豚羊大晨闔已將迎夜僕不得卧侯門
倉廩溢委藉紛四座寧知貧家食不自供甌磨禮豈使
之然盛極乃為過千載東坡翁詩成幾人和

別歲

暮聞歲將別去矣不復遲呼酒持餞之可餞不可追歲
來莽何從歲去茫無涯但恐慷慨顏不如年少時誰謂

歲去留不與我瘠肥聊同駢豎喜勿學癡翁悲歲去固
莫留歲至亦莫辭回看故吾在努力幸未衰

守歲

君看守歲法如畫有足蛇蛇足不可添歲行寧可遮舊
歲如可守奈此新歲何聊為坐中夜杯酒成謹譁朝衣
尚未整櫪馬且未搵吾非杜陵翁歎此暮景斜高堂椒
花頌歡樂勿蹉跎惟應一日養欲與三公誇

上元後一日亨父席上得合字

長安佳麗地冠騎紛馭還時維上元節塵壒騰四踏華
風藹春溫香霧疑夜合魚燈照空明獸炭隱殘蠟侯門
道路擁金翠有遺釵街衢兒女喧老稚相尊沓官閒常
閉戶吾性頗耐雜忽聞好事邀詩興翩已颯高堂列盤
饌解帶方滿榻肥烹飫庖羊錯薦繁海蛤更深席屢煖
歸袂每被拉春光僅九十轉眼過半卉當時曲江遊庚
癸驚再匝佳兒喜在抱何必勝佩韜語長意未窮賓主
同一嗒悲歡勿重道且放陳遵閣

哭午兒

今日復何日忽此涕淚垂骨肉能幾何此淚來無時兒
生不滿眸遂作終身期若非天屬緣誰遣夢我罷憶汝
初生質冰華粲瓊枝筋力不及兄清徹似過之嚴翁撫
兩孫足慰二子思婆攜母復抱傳玩爭欣喜吾弟蚤淪
沒後生者難追分支繼中絕亦以存孤嫠孰謂既死身
不能庇一兒空齋坐無語一感百念隨豈不達死生我
哀心獨知登堂慰顏色已矣不復悲餘情或未釋昨夜

夢在茲

寄題南京太常劉先生清風亭

崇臺敞華構傑閣開龍穴靈飈下虛亭萬籟聞天聰過
松含浙瀝戛竹鳴琤琮清池逆素浪碧草翻幽叢神仙
足官府中有瀛洲翁坐絕簿書勞門無車馬蹤振衣木
葉下一嘯千山空長安舊塵土極目東華東起看十二
樓迥在高寒中君王垂衣坐禮重古秩宗懷哉夙夜心
上與明神通平生陳無已再拜曾南豐上界接高躅南

都懷昔逢茲亭實名勝有意相追從臨朝送山甫作頌
慙清風

避雨于喬夜歸翌日得師召詩知宿亨父宅戲
次其韻

我留謝君飲君主張侯宿還因越溪釀更慕吳粳粥纓
蓑掛涼雨袍笏謝炎燠曉起聞叩門開絨見心曲同遊
二十載聚散難預卜朝飡太倉飯暮引玉堂燭悲歡同
一初少壯如兩轂世故勿苟談此身聊自足文章亦劇

戲勿謂遭我毒他時究淵源請檢歸田錄

久旱

昔旱或踰時今焉倏經歲三冬無一白五月燠猶熾火
雲堆若山赤日光射地風伯誰使狂雷師空作勢草根
枯欲盡井水涸難繼春麩無復論秋穀不得藝炊陽動
成火乖氣復為厲奪攘半幽燕流徙窮晉魏蒼生爾何
辜氣數偶相值靜言求其端幽遠安所致仁愛理則然
乾封豈天意恭聞桑林禱聖主方惕勵明廷戒臣工犴

獄理寬滯微官亦何為展轉勞夢寐端居愧素餐奮迅
嫌出位憂心劇快焚中熱不可制區區一寸丹耿耿天
下計誰將天瓢水極力起凋瘵西成未愆期及此百物
遂雲漢且勿歌豐年頌當製

困暑次韻白洲

高堂遞晴陰炎熇氣呼闕燔同洪爐然溽入厚地黯繁
星夜方搖淫雨晝仍濫炎光石成焦暝色山帶厲義輪
燄赫赫雷轂聲轆轤龜折行在田濤翻坐平檻占風想

乾鵲吠日驚蜀獠彼浴空羨鳧吾冠不如蠶甘泉冷將
濯惡木繁可斬快心甘獨勞炙手竟誰犯周扇懷仁風
陶憲仰清範雖無簿書煩頗覺食食減顰為窮兒愁怒
作壯士喊亦有歲寒交緜袍義思范豈無雪夜訪杯酒
情憶湛天時手中環世事波上艦晚尋東籬菊秋種南
山躡思君正執熱有袂不可摻

春草圖為黎本端作

出郭登平岡東原土新沃濃烟開萋迷見此千里綠紫

紆綠長隄蔥菁滿幽谷芳情競為榮遠意如有屬時光
迭代謝物理相剝復屈子騷莫陳江淹賦誰續吾人荆
楚秀舊住東山麓娟娟名家子被服蘭與玉君無植桃
李桃李眩我目君無踐荆棘荆棘傷我足眷茲君子心
風薰雨為沐培根去蕪穢及此繼芳躅

送孔憲副公鏞之廣東

孔君本書生領職在方憲置身嶺海間越絕遠侯甸維
時實多警盜賊滿州縣蛇吞豕齧道路血相濺被圍

在空城百里無一援忠義激肝腸身微命如綫檄同巴
蜀諭騎比汾陽見一言闢福禍凶黨皆革面終焉抱勞
謙功成不自銜銓曹守常格誰復論最殿山川接東廣
民俗固所便重任須老成君才久諳練揚清激其濁坐
使南溟奠衆力苦莫支知君有餘羨昔逢劉職方開口
不容羨復有太史吳作詩如作傳王事誠獨賢愧予長
筆硯誰云識君晚猶及都門餞

問津圖

周道失其砥多岐正紛紜皇皇乘桴意環轍何殷勤迷
路入楚蔡停車問耕耘問沮沮不語問溺溺不云方將
騁雄辯上可凌高雲遂令仲由勇逸氣摧三軍夫子憮
然歎彼狂竟不聞豈知聖人志一飯不忘君民胞物我
與鳥獸非吾羣寧同辟世士高舉懷清芬時哉聖不偶
萬古遺斯文彼耕獨何為幸免汙塵氛嗟嗟功名輩耽
嗜成酣醺吾官亦食素愧此心如焚惟賢古希聖老大
窮朝曛吾津在洙泗敢謂茫無垠

體齋止酒用陶韻因疊韻問之

昔予病止詩病頗為詩止君今病止酒此病相表裏君
嘗勸我詩我以止報子欣聞覆杯戒及此勿藥喜詩魔
固難伏酒興亦易起吾從止詩法深悟酒中理釁端或
由人君意方罪己力絕非世情德將斯善矣病源今始
塞慎勿問其溪請書止酒詩永作刑牲祀

送徐用和之鎮原

惻惻重惻惻與君各南北昔作同心人今為遠行客燕

山望秦關道路修且棘平生舊驄馬十步九歌側長風
吹征衣黯淡塵土色莽莽天地間胡為此行役功名豈
不念所志在憂國此意良獨知多言竟奚益

借扇一首戲書方石扇還之

借扇不必佳所貴在及時鬱然暑溽際愛此風披披我
豈乏此物篋笥偶不隨中流一失船萬斛將奚為古人
忍凍死不恨囊無衣暑豈不可忍憐君非挺之我當還
君扇君當還我詩我詩若不還却問借者誰

送成憲教諭

駐屐登崑山移舟汎秀水依依向雲樹戀戀別桑梓風
物藹宜人方言猶在耳青氈本舊業仕路得新軌置身
名教間寄興絃歌裏所得良亦多吾生聊復爾誰哉功
名輩隴蜀方未已

董尚矩以畫禽索詩留予家閱月間假予所持
倭扇意若欲相易者既而返扇索畫則贗扇也
予既失扇又不敢留畫其計甚拙因憶坡老與

王晉卿以仇池石易韓幹馬事頗相類竊步其韻一篇題於軸而并歸之

雨霽開新圖幽禽滿庭綠天機自流轉俯仰萬態足或
鳴高其吭或啄擁其腹前軒羨抑揚後穉憐局蹙塵心
謝樊籠野性逐耕牧遠睇回青霄英風起川瀆董君好
事者愛畫比珠玉而我非詩雄因君愧雌伏且留西閣
賞終擬東鄰卜許田及秦地魯趙空馳逐吾家鳳尾扇
渡海自暘谷知君熊掌心二物皆所欲吾方混真贗寧

敢論直曲却笑王右軍籠鵝何太速

懷麓堂集卷五



總校官庶吉士臣張能照

校對官檢討臣盧應

騰錄監生臣閔思紀

欽定四庫全書薈要

集部

懷麓堂集卷六

七



詳校官候補通政經歷臣郭祚熾

欽定四庫全書薈要卷一萬六千六百三十五

集部

懷麓堂集卷六

明 李東陽 撰

詩稿六

五言古詩

家君以詩戒夜歸因用陶韻自止

辛丑十二月望日

吾生苦多欲有戒方一止胡為省身戒又落多言裏古人不遠遊此義聞孔子又聞父母年可懼復可喜向來

風雪夜偶闕問居起嚴訓當過庭微辭有深理為憐僮
僕勞當以人視己仁哉長者言為利斯溥矣內觀恒惕
若若在深淵淡朝出暮必歸盟言自今始

墨菊二首

白露被原隰黃菊秋始花餘馨引遙袂采掇初還家秀
色雖可玩玩久不復華入畫清且古為詩正而葩幽懷
託揮寫庶用傳無涯持此問真幻無言空自嗟

其二

畫菊不畫香香空詎堪掬畫菊不畫色色似花已俗都
無色香在安用此為菊登堂見孤標入手疑可觸自非
識菊者但看桃李足古色今不知世人空有目

畫雞

秋稼已登場黃雞俯而啄縱縱拂羽毛縷縷不厭數安
棲謝樊籠遺哺及雛穀時哉適所性宛轉如有覺高鳴
或自振恥此弄咿喔主人重恩義至死懷一握祿食爾
不如巢居愧羣齷

題邵翁碁墅卷

奕棋雖細事可以觀小德非無勝負爭亦足高曲直胡
為紛紛者簞豆不掩色雄夸每絕叫巧伺或深匿不然
出忿語與此同一格寄言同浴人慎勿譏裸裼賢哉東
陵老愛此時自適指麾男子輩已足支大敵旁觀但坐
嘯信手聊戲劇安得從之遊清談澹終夕能令夸者默
亦使忿者釋我語君不聞神交向空寂

送喬生守歸樂平

我友中書君十九抗師席當時門下士往往繼科籍喬
生西南來竦如木初植良材就斤斧規矩應丈尺文場
纔弱冠已破萬人敵而猶不自滿飲若字未識竭來過
我堂每語終日夕談詩辨格律論字窮點畫微言析毫
芒獨請超畛域紛紛科舉徒未暇論與策古文時所棄
似子寧易得吾生好講學久矣抱深默愛子方起予胡
為重行役勗哉千里途及此分陰惜少年豈可恃我已
非白晳文章未足論太上貴立德而師有嚴規我語贅

何益

題章元益愛菊亭卷

種花不種菊物玩志不持學詩不學陶雖工亦奚為隱
者丘壑情幽芳冰雪姿陶翁昔愛菊此興固其宜章君
本宦達斂跡東江湄林居絕衆卉愛此黃歲蕤居與花
為鄰行以畫自隨飄搖北風外嘯咏南山詩南山何崔
嵬下有荆棘枝棘多損我花路遠勞我思何當薙荒穢
永與塵埃辭茲願必終遂坐待秋風時

賀鼎儀遷諭德得檢字

華蓋天宮崇青宮地深儼同時侍從臣一一皆妙選陸
君偉文行不抗亦不諂銛如囊中錐穎脫不受掩年勞
秩屢遷德諭官曷忝名厯黼辰記薦豈公卿剡平生耐
官職寵極翻自斂須知啟沃功不獨事編檢姓字符鼎
彝文章歸琬琰非才獨慙予同第名久玷交遊二十年
道義足薰染攀躋竟何能時歲驚荏苒勳業乃攸期榮
光詎相艷努力當壯齡時哉此其漸

鏡川先生宅賞白牡丹得白字

玉堂天上清玉版天下白幸從清切地見此純正色露
苞春始凝脂萼曉新坼檀深藹薰心絳淺微近積終焉
保貞素不浣脂與澤先生無物玩聊以物自適澹哉君
子懷富貴安可易臨軒撫流景愛此不忍摘我亦惜春
心逢花作花客先生顧客笑偶此非宿昔客去花未闌
嫣然共今夕

藤蓑次陳公父韻

采藤復采藤日夕費斤斧製為身上蓑人古衣亦古借
問製者誰白沙乃蓑祖冉冉綠蓑衣蕭蕭白沙渚披蓑
向江水顧影還獨語愛此勿輕捐春江正多雨

其二

披蓑登前岡欲往藤被嶺新梢拂舊蓑糝結不復整自
笑林下陰不如波中影

送揚應寧三首

我馬識君門每過還自止宦途亦多岐所識能有幾朝

遊樂方劇暮別情未已平生道義交豈獨愛文史此別
良獨難黯然而已矣

其二

君年十三四蚤以竒童稱奉詔入翰林時人羨登瀛甲
第豈不貴中書地亦清終為遺珠歎不使四海驚我年
雖稍長學業竟何成送君滄江去江樹遠含情

其三

君本滇陽人還生嶺南地巴陵非故鄉京口亦何意莫

問東西蹤浮生本如寄松楸翳成陰桑梓鬱交翠所至
各縈懷功名勿留滯吾生半南北歸與子同計舊業空
衡湘僑居託幽薊向來金陵路展轉勞夢寐造物不我
仇卜鄰願當遂此意君獨知吾言諒非戲

寄王丹徒公濟二首

我昔覽京口遙登浮玉峯江山偉形觀遠睇開塵蒙時
無故人在獨往遺形蹤別來十五年我友遊江東同心
不相值跡與參商同君今領民社王事方在躬寧能縱

耳目或可披心胃幽懷倘予憶願寄南歸鴻

其二

美人別我來贈我冰絲絃絃直似君操絃清似君言一
彈不成調再鼓不成歡舊曲不復記離愁莽無端山高
水復遠君去何時還我琴不必工雖工向誰彈古人知
音少今人知音難

不寐

遙夜耿無寐悠悠對青燈幽懷不盈掬縷結如春繩垂

髻弄柔翰濫采世上聲弱歲忝科籍冠簪奉明廷生平
四十載鬢髮白幾莖豈不愧竊祿日給粟數升惟餘素
心在不與炎涼更營營彼何物集我垣西庭沾我白苧
裳浣我素玉屏城狐不敢問市虎難為撻塗人勿復道
知者已復驚曾參豈殺人不疑本無兄內省寔自疚人
尤竟誰能不聞謗貪者足浼夷齊清古人重不辯辯極
翻益增志士恥苟免壯夫想孤征擬尋江湖興未結松
筠盟故國隔湘水舊遊在金陵茲謀苦不遂鬱鬱竟何

成誓存操修節謹獨戒未萌閉門索古義著書見高情
着鞭讓祖生割席效管寧從此畢餘志垂休俟千齡

痛語一首東南屏

砭炳攻微疴力與疾相闕燔焚勢不已百節皆為動右
臂鍼獨多腕腫逾負重左肢豈解事匙粥不自送我病
亦偶然星火忽已烘古人戒謹疾我豈敢為縱蒼黃苦
塊身六氣為一中因循積年載展轉驚寐夢瞑眩疾乃
瘳茲言夙攸誦刮骨彼何雄滯腸或非惜我計決恐遲

醫謀固當用聊輕筋骼困坐待膿血漣痛癢方自知胞
哉幾人共平生骨肉交思君令人痛竭來慰藉情款語
得深奉寧知君歸後獨樂不及衆西郊昨夜雨不解憂
懷壅悵望君不來悲歌當予慟

篁墩所藏賓頭盧說法圖

釋有賓頭盧長眉映頭白偶逢優填王說法示生寂譬
如野行者為彼獠象迫俯身入深井下有龍蛇宅援藤
上高樹上有二鼠齧野火燔其根根裊不自植事幾出

倉猝生死寄頃刻忽有羣蜂來芳馨不盈滴六根與四大纏繫誰為釋欲問有生人胡能隱身跡人生所遭異一樂恒患百吾儒實順受此輩方巧匿先生兩道眼夷險同一格獨念居安徒思危乃良策聊為發竒難使自圖畫得我鈍落鋒機欲語翻自默嗤彼畫中人何如點頭石

問白髭

毛髮有白黑遲速亦有時我年四十強誰遣白我髭謂

予夙多病或者煩憂思髭生本髮類我髮胡未知人言
白可拔拔白將何為或言黑可返借問返者誰髭乎苟
能言聊以解我願

代髭荅

託質向君身稀微愧毛髮於身百無濟況乃貽玷缺憂
病君自知敢以諛累哲君髮豈不華幸遠不近瞥後生
能幾何壯老真倏忽白拔祇自欺黑返竟何悅多言亦
安用勿謂髭也叻

問白髮用髭韻

我生汝本黑汝白從何時汝長亦已白何得短彼髭髭
白汝豈黑嗟我獨不思三年不對鏡縱白安得知訐言
信有之髭豈誑我為髭白汝亦白黑者尚有誰豈我弗
汝養靜言觀我頤

代髮答

君身鬚眉具鬣者寧獨髮髮也幸獨長雖長亦同缺壯
老信有端知幾乃明哲汝德不益增我衰豈終瞥習變

如我然繁多起絲忽汝躬不內顧顧以容為悅我意君
不知茲言我當訥

植柘陳翁割股卷

伐樹勿伐柘愛此手澤存爪樹傷柘膚鋤樹傷柘根根
膚尚可惜戕肌亦何人吾肌本親遺吾以奉吾親茫茫
堪輿內此意誠苦辛肌戕幸不死遺膚終兒孫孫乎慎
無忘錫類良有因

洗句亭

洗句復洗句洗句先洗心心清絕塵滓句清無哇淫洗
句尚可淺洗心須用深所用有深淺水哉何古今有句
莫太清太清寡知音知音苦不遇獨和滄浪吟

送王存敬秋官知興化得但字

王君東南豪才氣絕軀幹一經重賢科百里見雄斷西
曹美風裁而復愛文翰還操老吏筆却判詩家案入朝
更出守恩詔何渙汗莆陽亦名邦金紫蔚相爛清風散
塵歎好雨知歲旱勳名竟當成軔發此何但吾翁蒙泉

老遺跡猶可按謗言昔徒興白黑久乃判古來經濟士
不受羣疑絆送子獨含情臨風幾長歎

登高二首次韻荅錢與謙狀元

莫居丘垤地為學如為山望道如望海莫近汙潢灣吾
生好求士意欲窮區寰有津孰與航有磴孰與攀行矣
幸勿疑勗哉山海間

翰林神仙窟鼇峯出瀛海天低衆山伏地合羣流匯恩
寵絕代殊榮光有時改許身德義重華國文章在行且

懼吾衰君名世方采

方石惠貓忽被踏以死悼而賦之

懸燈直廬夜見此狸奴羣主人愛狸甚指點向客云西鄰乞狸母乳孳當深春我本無長物但令守典墳客意不忍奪念為主所珍主人忽南徙書擔愁紛紜居然棄其餘一尾幸見分人苦不知足既得擇愈勤色純足貴屈此法舊所因攜歸雪照眼兒女爭歡欣先防老狸欺更避惡犬信丁寧戒婢僕為我謹朝曛寧知不旋踵步

履生艱屯倉皇不能救弔歎若有聞孰謂方寸靈不如
趾在麟嗟嗟放麋子此意實近真吾方為鼠厄誓欲策
狸勳貪功信多悔縱暴亦非仁彼鼠固無恙爾狸竟委
身悲哉勿復棄葬之我竹根竹非利汝死庶免烏鳶鄰
猶感贈狸意賦詩謝主人

題蘭為司冠何公

楚澤有幽蘭名高百花選孤根託地靈芳心應時展陽
和一披拂春色無深淺清風徧六合孰謂知者鮮援琴

思昔人古意嗟已緬層厓數枝竹意若相慰勉穠華須
却避荆棘行當翦幸此挹餘芬披圖漫舒卷

送楊應寧提學之陝西三首

君來幾日前屈指算君程君行幾日前使我夢先驚問
君孰為來問君孰為行倉皇六載間展轉萬事并欲語
不得盡欲別難為情

君從滇南遊意不在金寶歸裝詩篇富遠目江山飽遺
蹤念丘墟舊事懷父老重惟宗祧計擇後良亦早達能

洞大觀孝足慰昭考之子瑤瑜姿蕪聞嗜文藻愛之不
可見見彼昆弟好通家情所關茲事況不小願君自珍
惜遠向風霜道

江南形勝地可游亦可居君居僅六載乃有田有廬種
苜晚成筍買秧秋作魚官程正發輒歸計已有餘君行
世所重君才此方於試看一家業經濟我不如不如南
官去衣冠就樵漁有興苦未遂送君意踟躕

泰和羅氏家傳四圖詩

羅氏五世祖宋荏平簿伯壽嘗刲股愈母疾有
司表其所居坊曰旌孝坊在縣東百步許圖曰
純孝

旌門自何年宋朝南渡後借問旌者誰縣東羅伯壽憶
當刲股時見母不自救本無營利心誰遣為名賀皇天
有錫類遺體神所佑五世旌賢科貽謀竟堂構卓哉孝
子家永為忠臣胄

羅曾祖諱理為德安同知有巨盜糟李捕弗獲

逮者數百人縱使禽賊皆願盡力遂獲糴李治
園得鐵數萬斤會徵鐵令下悉出以代民輸圖
曰德政

德安古良吏佐郡功可錄縱囚得真盜縲絏無留獄有
如釋李祐元濟終就戮掘地見黑金有利不思驚吾心
幸無染民稅亦以足歆揮竟何事產濟非我欲由來重
官評寧止範鄉曲文貞作家傳雅操比冰玉冰玉有遺
風聞孫繼芳躅

羅祖母周寡于西安之成揚文貞公言於仁廟
而釋之周攜稚子走金陵謝文貞歸不失節以
死文貞亟稱曰賢圖曰貞節

盤盤九折坂妾行日苦遠妾歸夫不歸不恨歸時晚感
茲君恩重惜彼去日短攜家渡江水骨肉不在眼不有
文貞公賢哉竟誰歎

羅公諱善進少在文貞門有贈墨者視之則金
也遂還之文貞以是重公圖曰卻墨

巍巍揚公門揭揭羅氏子客來公不見見子斯可矣位
墨黃金胎有客為子遺揮之不肯受客媿公獨喜童子
亦何知知公四知裔異姓本通家誨穀乃相似何以紹
遺休公孫賢大史

寄李知縣遂之

歲晏朔風厲河水載行車之子東南征前路阻且紆攜
家往灣北旅泊非寧居開門掃殘雪閉門讀古書書生
盛窮達壯士惜居諸百里多貧民隆冬尚無餘向來噓

呵力力盡意有餘
離心繫孤棹遠
信回雙魚時哉
戒春發無為重踟蹰

聞方石先生得遺腹孫

故人喪愛子棄官歸故園
空懷向平念誰候柴桑門
吾心怛如割匪獨傷弟昆
竭逢舊台守達致州人言
言從抵家後乃得遺腹孫
素辭簿書勞辦此鞠育恩
竒事諒非偶善徵詎無根
綿綿千鈞力耿耿一髮存
天乎豈無知可與知者論
詩成不寄達庶以紓吾煩

題畫

騎驢下前坂山深日將晚水石何蕭條風稀鬢毛短秋
聲在高樹歲去不復返遙指故人家松花夜當飯

送蔣宗儒良醫歸老

流雲遞晴陰飛雨忽而過黃塵暗西郊河水不滿枕言
從北畿返遙憶東山卧未清炎暑懷且免泥塗澆兩枰
萬事畢一酌千愁破平生醫國心少壯驚老大榮名方
得謝餘寵猶在荷欲問滄浪歌歌成幾人和

北先赴試三河念之有作

東行百里程送汝萬里心
衣裝問寒煖野望疑晴陰
汝生不離膝別我恐未禁
翩然上馬去似有壯士襟
髻中能幾時忽已勝冠簪
擣毫出古製把玩驚詞林
嘶鳴誤一顧獎借踰千金
不學是吾憂虛名非汝任
古人重宅相派出蒙泉深
南屏實衆望鬱鬱泰山岑
汝師文場手奪錦春江潯
蓬麻得依附玉石勞鐫鋟
遭逢我弗逮天意或在今
求論目前事長途尚駁駁
貧餘詩書在老覺

歲月侵汝幸慰我意我方為汝箴嬰懷繼日夕屈指經
辛壬遄歸一見面誦我東行吟

淮海遊

愚樂傅公嘗遊淮海間士大夫贈詩成卷為補
是詩

汎彼江湖興來為淮海遊高帆駕巨浪浩蕩空中浮上
有盪曾雲下有濯足流吹簫動海月鼓柁驚沙鷗長歌
振林木逸響歸滄洲至今淮上人髣髴疑仙舟懷賢託

楚此感舊聞吳謳寧無後來者俯仰難為儔

閏月對雨

五月復五月六月行復來一雨滌炎燄再雨清塵埃
晨忽如注墮溜鳴空階回風坐飄颻巾袂相徘徊冰絃
濕不彈叢帙委不開孤吟苔幽響爽爽思凌飛臺昔人有
深慮道暘思黃梅淹留幸未晚物意回枯荻君看古牆
背已見青莓苔

主一齋為徐都憲公肅賦

世途日紛錯應變良獨勞有政如繭絲有法如牛毛矧
惟跬步間出入亦異遭向非定靜功多言竟叟叟君子
慎存省一敬中自操物情詎我奪帝鑒焉能逃執虛手
恒盈踏險脚益牢靜觀紀昌射動鼓庖丁刀言小足喻
大行卑乃登高聖途可方軌有轂誰當膏

徐亞卿原一六十二得雙生戲柬一首

澄澄嚴江波混混入東海雙雙出明珠煌煌弄光彩聲
聲識英物表表見神采遙遙徐卿冑袞袞靈源在茫茫

金... 卷六
堪輿間物物任真宰竒竒覩茲事嘖嘖爭歎駭看看頭
角露忽忽望改望望湯餅筵徐徐欲安待

送錢與謙修撰

與子論文章沿流自前古莊騷信枝葉經傳乃宗祖當
其得意時入口辨甘苦又如色過目白黑粲可數刻鏤
恥雕龍炳蔚驚變虎與子談道義培根去榛莽孤懸見
衡鑑險設謝城府子心諒子知子志必予吐嗟哉勢利
徒各自傾肝腑與子談世故今昔同仰俯悲歡動相涉

成敗時逆覩賓筵每更僕朝坐常及午堂升詎無因鄰
卜固其所依依別我去道路忽修阻振衣千仞外艤擢
三江許汝親並白頭汝弟方接武歸承聖主詔拜學嬌
兒舞此樂須盛年誰云守環堵古人稱仕學進盡還退
補登山航海心有力竟思努愛子千金軀深藏是良賈

采桑玉堂陰二首答篁墩學士

采桑玉堂陰分蠶長安郭一勞累百枚再分連數箔寧
知貴富地此物能沃若平生畝畝憂黽勉懷力作嗟彼

衣錦兒空言養蠶樂吳機詠濯濯周葉歌莫莫遺我通
家人同心故相託愛之敢輕棄弱女方就學

其二

采桑玉堂陰陰濃樹婆娑一采不滿筐竟日能幾何乃
知富貴地不及窮山阿蠶成忽滿眼所得良亦多人言
繫家運或者陰陽和向非夙夜勤豈恃葉與柯衣多必
思寒吾民本同科欲將分蠶意廣被無偏頗

懷麓堂集卷六